

讀

書

雜

志

淮南內篇第五

時則

桃李始華

始雨水桃李始華倉庚鳴引之曰次句內本無始字今

本有者後人據月令旁記始字因誤入正文也高注曰

自冬冰雪至此春分穀雨案春分穀雨四字乃後人所

桃始華則非春分穀雨時也呂氏春秋注作自冬冰雪至此土發而耕故曰始雨水是首

句有始字也又曰桃李於是皆秀華是次句無始字也

月令桃始華倉庚鳴皆三字為句若無始字則句法參

差矣此文桃李華倉庚鳴亦三字爲句若加一始字則句法又參差矣故桃李華不言始而桃李華則言始倉庚鳴不言始而蟬鳴則言始蟬鳴言始而寒蟬鳴則不言始皆變文協句也呂氏春秋仲春篇正作桃李華

角斗稱

角斗稱高注曰斗稱量器也念孫案稱皆當爲桶桶稱字相近又涉注內衡石稱也而誤說文桶木方受六升廣雅曰方斛謂之桶斗桶爲一類故高注以桶爲量器若作稱則非量器矣月令作角斗甬鄭注曰甬今斛也呂氏春秋作角斗桶高彼注與此注同史記商君傳平

斗桶義亦同也下文仲秋之月角斗桶桶字亦誤作稱

撲曲

具撲曲筥筐高注曰撲持也三輔謂之撲撲讀南陽人

言山陵同曲薄也呂氏春秋季春篇作挾曲高注曰挾

讀曰朕三輔謂之挾關東謂之得月令作曲植鄭注曰

植槌也念孫案撲與挾皆棨字之誤棨字本作挾形與撲相近挾字隸書

作挾形與棨亦相近棨讀若朕架蠶薄之木也持陟革反呂氏春

秋注關東謂之得乃得字之誤標與持同見玉篇說文

棨槌之橫者也方言作楸云槌宋魏陳楚江淮之間謂

之植自關而西謂之槌其橫關西曰楸齊部謂之持郭

璞曰槌縣蠶薄柱也朕字古音本在蒸部讀若澄清之

澄

說文朕勝騰騰騰勝十一字並從朕聲淮南要略形埒之朕與應為韻又兵略篇凡物有朕

唯道無朕文子說文勝字從欠朕聲或作凌從欠凌聲自然篇朕作勝

是朕凌古同聲故呂氏春秋注云槜讀曰朕此注云槜

讀南陽人言山陵同

以雉嘗黍

天子以雉嘗黍高注曰雉新雞也念孫案古無謂新雞

為雉者雉皆當為雞字之誤也廣雅釋言云雞雞也曹

音而緝而緣二反郭注爾雅釋言云今呼少雞為鷄鷄與少雞

卽新雞故高注云雞新雞也月令作以雛嘗黍其義一

也。左思蜀都賦：巖穴無豨，豨，蒼無鬻，鬻，鹿子也。義與難亦相近。茅一桂不知雉爲難之誤，而改雉爲雛。莊本同。義則是而文則非矣。

馬政

班馬政高注曰：馬政，掌馬官也。念孫案：馬政本作馬正。注同。故高以爲掌馬官。呂氏春秋仲夏篇：班馬正。高彼注亦云：馬正，掌馬之官。是其證。月令作馬政。鄭注云：馬政，謂養馬之政教。引周官廋人職曰：掌十有二閑之政教。鄭說是也。高不知正爲政之俗字，故訓爲掌馬之官。若字本作政，則亦當訓爲政教矣。後人依月令改正爲政。

而不知其戾於高注也

白鍾

孟秋之月西宮御女白色衣白采撞白鍾念孫案白鍾之白因上文而行春鼓琴瑟夏吹竽笙秋撞鍾冬擊磬后鍾上不宐有白字而北堂書鈔歲時部二藝文類聚歲時部上太平御覽時序部九引此皆有白字則其誤久矣

其兵戈

其兵戈念孫案戈當為戊字之誤也說文戊大斧也從戈レ聲厶音厥司馬法曰夏執元戊殷執白戚周左杖黃

戊右把白髦徐錯曰今作鉞

說文鉞車鑿聲也從金戊聲詩曰鑿聲鉞鉞今詩作

噓

藝文類聚太平御覽引此竝作其兵鉞是其證也四

時之兵春用矛夏用戟季夏用劍秋用戊冬用鉞五者

皆不同類戈與戟同類夏用戟則秋不用戈矣莊二十

五年穀梁傳天子救日陳五兵徐邈曰矛在東戟在南

鉞在西楯在北弓矢在中央彼言鉞在西正與此秋用

戊同義又案說文引司馬法作戊今經傳皆作鉞未必

非後人所改此戊字若不誤為戈則後人亦必改為鉞

矣

史記周本紀斬以元鉞太平御覽皇親部一引作元戈戈亦戊之誤

迎秋

天子親率三公九卿大夫以迎秋於西郊。念孫案迎秋本作迎歲，後人依月令改之耳。上文孟春孟夏及下文孟冬竝作迎歲。高注曰：迎歲迎春也。又曰：迎歲迎夏也。則此亦當云迎歲迎秋也。後人既改迎歲爲迎秋，又刪去高注斯爲妄矣。孟冬下亦刪去迎歲迎冬也。五字而正文迎歲尚未改。

戴桂

命太僕及七騶咸駕戴桂。劉績曰：戴桂記作載旌旄，疑桂乃旌字之誤。念孫案劉說是也。隸書旌字或作桂，與桂相似而誤載戴古字通。

至國而后已

通路除道從境始至國而后已念孫案后字後人所加
季春言從國始至境止季秋言從境始至國而已已亦
止也無庸加后字

鵲加巢

鵲加巢高注曰鵲感陽而動上加巢也念孫案加讀爲

架謂構架之也召南鵲巢箋曰鵲之作巢冬至架之至

春乃成釋文架之俗本或作加功案之作功者非架作

宗讀加爲架是也匡謬正俗謂加功力作巢非是本經篇大夏曾加高注謂以

材木相乘架是加架古字通此言鵲加巢卽鄭箋所謂

冬至架之者非謂增加其巢也天文篇曰日冬至鵲始

加巢月令曰季冬之日，鵲始巢，義竝與此同。召南正義引推度災云：鵲以復至之月始作室，家是也。

一青土

東方之極，自竭石。

舊本石下有山字，後人所加也。太平御覽地部二引此，無山字。尚書大傳

亦無，今據刪。竭，竭古字通。道藏本茅本竝作竭石。史記貨殖傳：龍門竭石，字亦如此。劉本改竭為竭，而莊本從之。皆未達。過朝鮮，貫大人之國，東至日出之次，樽木之假，僭之義。

地，青土樹木之野，引之曰青土，當為青邱，字之誤也。御覽

引此已誤。本經篇繳大風於青邱之野。今本野誤作澤，詳見本經。高注曰

青邱，東方之邱名，即此所云東至青邱之野也。呂氏春

秋求人篇亦云：禹東至樽木之地，日出之野，青邱之鄉。

海外東經云青邱國在朝陽北逸周書王會篇青邱狐九尾孔晁曰青邱海東地名服虔注漢書司馬相如傳云青邱國在海東三百里

閉關閭

閉關閭大按客念孫案古書無以關閭二字連文者關當爲門此涉上文關梁而誤也上文及天文篇竝云閉門閭大按客春秋繁露五行順逆篇云閉門閭大按索太平御覽時序部十二引此作守門閭

以塞姦人已德

蚤閉晏開以塞姦人已德執之必固念孫案塞本作索

此後人以意改之也。蚤閉晏開以索姦人，卽上文所謂閉門閭大接客也。下句姦人已得，正謂索而得之。若改索爲塞，則與下句義不相屬矣。姦人下當更有姦人二字。德讀爲得，蚤閉晏開以索姦人，姦人已得，執之必固，皆以四字爲句。若第三句無姦人二字，則文不成義矣。太平御覽時序部十二地部二，引此塞作索，德作得是也。但無姦人二字，則所見本已誤。

格

夏行冬令格。高注曰：格，竝也。象冬，斲刑，恩澤竝格不流。下引之曰：高說非也。格讀爲落，謂夏行冬令，則草木零

落也。格字從木各聲。古讀如各。說見唐韻正。格與落聲相近。

而字相通。史記酷吏傳置伯格長。徐廣曰古村落字亦

作格。村落之落通作格。猶零落之落通作格也。月令云

仲夏行秋令則草木零落。管子幼官篇夏行冬政落四時

篇同。尹知章曰寒氣肅殺故凋落也。春秋繁露五行五事

篇云秋行冬政則落。又云夏行冬政則落皆其明證矣。

淮南內篇第五

志九之五

淮南內篇第六

讀書雜誌九

高郵王念孫

覽冥

尚稟

夫瞽師庶女位賤尚稟權輕飛羽高注曰尚主也稟稟

耳稟廣雅作稟菜名也主是官者至微賤也引之曰主稟耳

之官書傳未聞尚稟蓋卽周官典稟下士二人者典亦

主也見周官典婦功注言典稟本賤官瞽師庶女則又賤於典

稟稟謂麻稟非謂稟耳也

右秉白旄 余任

武王伐紂渡於孟津陽侯之波逆流而擊疾風晦冥人

馬不相見於是武王左操黃鉞右秉白旄曠目而撫之

曰余任天下誰敢害吾意者念孫案右秉白旄秉本作

執此後人依牧誓改之也論衡感虛篇引此正作執論衡

稱傳書言武王伐紂渡孟津云云共十二句皆與此同是所引即淮南之文也太平御覽地部

二十六三十六皇王部九引此亦作執泰族篇亦云武

王左操黃鉞右執白旄執與秉同義無煩據彼以改此

也任當為在字之誤也道應篇本在於身在字亦誤作任余在為句天

下誰敢害吾意者為句孟子引書曰四方有罪無罪惟

我在天下曷敢有越厥志句法與此相似論衡感虛篇

藝文類聚儀飾部太平御覽地部二十六三十六皇王
部九儀式部一引此竝作余在害讀爲曷古字以害爲曷通見詩書
曷止也言誰敢止吾意也爾雅曷遏止也商頌長發篇
則莫我敢曷荀子議兵篇引作則莫我敢遏

酒湛溢

故東風至而酒湛溢高注曰東風木風也酒湛清酒也
米物下湛故曰湛木味酸酸風入酒故酒酢酢卽酸也今本作醉
乃後人所改文選七啟注太平御覽天部九引此竝作酢今據改而湛者沸溢物類相
感也念孫案如高說以酒湛爲清酒則當言湛酒溢不
當言酒湛溢故又申之曰酒酢而湛者沸溢始失之迂

矣今案湛溢二字當連讀湛與淫同

爾雅久雨謂之淫論衡明雩篇久雨

為湛湛即淫也湛字或作沈微子我用沈酣于酒沈酣

即淫酣史記宋世家紂沈酒于酒太史公自序帝辛湛

涵揚雄光祿勳箴桀紂淫酒淫酒即湛酒樂書流沔沈

佚沈佚即淫洗淫與湛沈義同而字亦相通考工記悅

氏淫之以盞杜子春云淫當為湛齊語擇其淫亂者而

先征之管子小匡篇淫作沈莊子天下篇禹沐甚雨崔

譏本甚作湛音淫淮南淫溢猶衍溢也酒性溫故東風

脩務篇作禹沐淫雨

至而酒為之加長春秋繁露同類相動篇曰水得夜益

長數分東風而酒湛溢故陽益陽而陰益陰義與此同

也

煙

旱雲煙火涿雲波水引之曰煙當為燦字之誤也

高注同

說文燹火飛也讀若標一切經音義十四引三倉曰燹
逆火也旱雲燹火溇雲波水猶言旱雲如火溇雲如水
耳燹火與波水對文若作煙火則與下句不類矣又齊
俗篇譬若水之下流煙之上尋也煙亦當爲燹燹之上
尋猶言火之上尋故與水之下流對文天文篇曰火上
尋水下流是其證也若以煙水相對則非其旨矣藝文
類聚火部煙下引此作煙之上尋則此字之誤已久又
人閒篇百尋之屋以突隙之煙焚煙亦當爲燹突隙之
煙不能焚屋明是燹字之誤說林篇曰一家失燹百家
皆燒是其證也太平御覽蟲豸部四引此正作突卻之

燹世人多見煙少見燹故諸書中燹字多誤作煙說見
呂氏春秋煙火下

夫陽燧

夫陽燧取火於日方諸取露於月念孫案夫陽燧本作
夫燧今本有陽字者後人所加也彼蓋誤以夫爲語詞
又以天文篇陽燧見日則然而爲火方諸見月則津而
爲水故加入陽字不知夫燧卽陽燧也夫燧與方諸相
對爲文周官司烜氏掌以夫遂取明火於日遂與燧同鄭注
曰夫遂陽遂也下文云夫燧之取火慈石之引鐵竝以
夫燧二字連文故高注云夫讀大夫之夫則夫非語詞

明矣。

故召遠者使無爲焉，親近者使無事焉。

故召遠者使無爲焉，親近者使無事焉。惟夜行者爲能有之。高釋上四句曰：欲致化四夷者，當以無爲無爲，則夷荒自至。欲親近者，當以無事無事，則近人自親附之。念孫案：高說非也。親近者使無事焉，使當作言無爲無事，猶今人言無用也。此言使不足以召遠，言不足以親近，惟誠足以動之耳。今本言作使者，涉上句使字而誤。高云：欲親近者當以無事，以字正釋使字，則所見本已誤作使。管子形勢篇曰：召遠者使無爲焉，親近者言無

事焉唯夜行者獨有之也形勢解曰民利之則來害之則去故欲民者先起其利雖

不召而民自至設其所惡雖召之而民不來也故曰召遠者使無為焉道之純厚遇之有實雖不言曰吾親民

而民親矣道之不厚遇之無實雖言曰吾親民民不親也故曰親近者言無事焉所謂夜行者心行也能心行

行德天下莫能與之爭矣此即淮南所本文子精誠篇故曰唯夜行者獨有之也

曰夫召遠者使無為焉親近者言無事焉唯夜行者能

有之又本於淮南也或謂文子所用乃管子之文非淮南之文今知不然者淮南唯此五

句與管子同其上下文皆管子所無也文子上下文皆與淮南同則皆本於淮南明矣又管子作唯夜行者獨

有之淮南作惟夜行者為能有之文子與淮南同是此五句亦本於淮南非本於管子也

欲以生姝歾之人

是猶王孫綽之欲倍偏枯之藥而欲以生姝歾之人念

孫案下欲字因上欲字而衍欲倍偏枯之藥而以生姝
夙之人作一句讀不當更有欲字高注曰欲倍其劑以
生已夙之人則燕下欲字明矣

取火於日

夫燧之取火於日念孫案於日二字因上文取火於日
而衍夫燧之取火慈石之引鐵蟹之敗漆葵之鄉日各
相對爲文則此處不當有於日二字

近之則遠 延之則疏

夫道之與德若韋之與革遠之則邇近之則遠不得其
道若觀儵魚念孫案近之則遠遠當作疏此涉上句遠

字而誤也。德革爲韻，疏魚爲韻，若作遠則失其韻矣。泰族篇遠之則邇，延之則疏，亦與除虛餘爲韻。泰族篇之延字當作近。今據泰族之疏字以正此篇遠字之誤，并據此篇之近字以正泰族延字之誤。文子精誠篇正作近之卽疏。

聖若鏡

故聖若鏡，不將不迎，應而不藏。念孫案：聖下脫人字，意林及太平御覽人事部四十二、服用部十九引此竝有人字。莊子應帝王篇至人之用心若鏡，文子精誠篇是故聖人若鏡，亦皆有人字。

非乃得之也

其得之乃失之其失之非乃得之也念孫案非字義不可通行文也高注云自謂失道未必不得道也則無非字明矣劉本作其失之也乃得之也此依文子精誠篇改

元雲之素朝

若乃至於元雲之素朝陰陽交爭降扶風雜凍雨高注凍雨

暴雨也字從雨不從水各本皆誤作凍今改正爾雅暴雨謂之凍郭璞曰今江東呼夏月暴雨為凍雨離騷云使凍雨兮灑塵是也凍音東西之東念孫案元雲之素朝衍之字高注曰

元黑素白也是元雲素朝相對為文雲下不當有之字

且兩句皆以四字為句，加一之字，則句法參差矣。文選南都賦魏都賦注，引此皆無之字。

蛇鱣著泥百仞之中，熊羆匍匐邱山，暫巖。

不敢咆，猿狖顛蹶而失木枝。又況直蛇鱣之類乎？念孫案下言又況直蛇鱣之類，則上文著泥百仞之中者，非謂蛇鱣也。且蛇鱣在淺水之中，亦不得言百仞。蛇當作

𧈧，𧈧與鼃同。史記太史公自序，鼃鱣與處索隱本作𧈧。鱣即鼃鼃字也。書大傳，河魴江鱣亦與鼃。

同。鱣與鼃同。說文，鱣魚也。皮可以為鼓。夏小正傳，剝鱣以為鼃也。呂氏春秋古樂篇，鱣乃偃寢以

其尾鼓。言𧈧鱣徒何。且伏於深淵而不敢出，況蛇鱣音善

之類乎今本蚺作蛇者涉上下文蛇鱓而誤

引之曰暫巖乃高峻貌龍乘風雨而熊羆畏避則當伏

於幽隱之地山顛高峻非所以藏身也暫巖當作之巖

王逸注七諫曰巖穴也

莊子山木篇豐狐文豹伏於巖穴

言熊羆匍匐

於邱山之穴而不敢出也下文虎豹襲穴而不敢咆正

與此同義且蚺鱓著泥百仞之中熊羆匍匐邱山之巖

二句相對為文若作暫巖則義不明而句亦不協矣暫

字蓋出後人所改

後人誤讀巖為暫巖之巖故以意改之

燕雀佼之

鳳皇之翔至德也燕雀佼之以為不能與之爭於宇宙

之閒高注曰燕雀以為能佼健於鳳皇也念孫案高說非也佼讀為姣廣雅曰姣侮也言燕雀輕侮鳳皇也上文云赤螭青蚪之游冀州也蛇蟬輕之以為不能與之爭於江海之中是其證也作佼者俗字耳佼侮之佼通之佼通作佼陳風月出篇佼人僚兮是也

羽翼

羽翼弱水暮宿風穴念孫案羽翼弱水四字文不成義羽翼當為濯羽故高注云濯羽翼於弱水之上今本作羽翼即涉注內羽翼而誤也舊本北堂書鈔地部二穴下引此正作濯羽弱水暮宿風穴陳禹謨本刪去文選辯命論

注白帖九十四竝同說文鳳濯羽弱水莫宿風穴卽用淮南之文

歸忽

騁若飛驚若絕縱矢躡風追焮歸忽高注曰縱履也足疾及箭矢躡蹈也追焮及之焮光中有影者忽然便歸皆言疾也念孫案高謂焮爲光中有影者於古無據又言忽然便歸亦失之焮忽皆謂疾風也爾雅扶搖謂之焮郭璞曰曩風從下上也說文飈扶搖風也飈疾風也飈飈通作焮忽張衡思元賦曰乘焮忽兮馳虛無是也追焮歸忽卽承上躡風而申言之歸忽猶言歸風說林

篇曰以兔之走使大如馬則逮日歸風是也縱矢躡風
追焱歸忽二句相對爲文若以歸忽爲忽然便歸則與
上文不類矣

日入

朝發樽桑日入落棠高注曰樽桑日所出也落棠山名
日所入也念孫案日入當爲入日今本作日入蓋涉高
注日所入三字而誤不知高注自謂落棠山爲日所入
非正釋入日二字也入日者及日於將入也朝發樽桑
謂與日俱出入日落棠謂與日俱入上言追焱此言入
日皆狀其行之疾也若云日入落棠則非其指矣上文

云鳳皇徑躡都廣入日抑節正與此入日落棠同意海
外北經夸父與日逐走入日郭璞曰言及日於將入也
意亦與此同

踰於六馬

嗜欲形於胷中而精神踰於六馬陳氏觀樓曰踰當爲
喻字之誤也喻曉也言馬曉人意也太平御覽獸部八
引此正作喻

律治陰陽之氣

以治日月之行律

今本此下有高注云律度也

治陰陽之氣節四時

之度陳氏觀樓曰律下本無治字律陰陽之氣與上下

相對爲文讀者誤以律字上屬爲句則陰陽之氣四字
文不成義故又加治字耳高注律度也三字本在律陰
陽之氣下傳寫誤在律字之下陰陽之上隔斷上下文
義遂致讀者之惑念孫案文子精誠篇作調日月之行
治陰陽之氣此用淮南而改其文也後人不知律字之
下屬爲句故依文子加治字耳

熾炎 浩洋

火熾炎而不滅水浩洋而不息念孫案炎當爲焱字之
誤也說文焱火華也玉篇弋贍切廣韻熾力驗切熾焱
火延也太平御覽皇王部三引此作熾焱與廣韻合洋

當爲熹亦字之誤也玉篇熹弋沼切司馬相如上林賦
灝熹潢漾郭璞曰皆水無涯際貌也左思魏都賦河汾
浩泝而皓熹李善注引廣雅曰皓熹大也灝皓竝與浩
通御覽地部二十四引此作浩熹皇王部三引此作皓
熹熹焮浩熹皆疊韻浩洋則非疊韻蓋後人多見炎洋
少見焮熹故焮誤爲炎熹誤爲洋矣

陰陽之所壅沈不通者

陰陽之所壅沈不通者竅理之逆氣戾物傷民厚積者
絕止之念孫案陰陽之所壅沈不通者當依文子精誠
篇作陰陽所擁擁壅古
字通沈滯不通者今本所上衍之字

沈下脫滯字，則句法參差，且與下文不對。若以連讀，則文

不成義

眇眇

當此之時，臥倨倨興眇眇。俗書眇字如此高注曰：倨倨，臥無思

慮也。眇眇，然視無智巧貌也。念孫案：眇眇當為盱盱。盱

字本作眇，形與眇相近，故誤為眇。脩務篇以身解於陽盱之河，今本盱誤作

眇，晉書陸機傳：豪士賦序：偃仰盱眇，文選：盱作眇。莊子：應帝王篇：其臥徐徐，其

覺于于，司馬彪曰：于于，無所知貌。正與高注無智巧之

意相合。盜跖篇曰：臥居居，起于于。于與盱聲近而義同

也。說文：盱，張目也。倣真篇曰：萬民睢睢盱盱，然莫不竦

身而載聽視魯靈光殿賦鴻荒朴略厥狀睢盱張載曰
睢盱質朴之形劇秦美新曰天地未祛睢盱盱故高
云盱盱然視無智巧貌也若眇爲邪視則與無智巧之
意不合矣且莊子以徐于爲韻居于爲韻此以倨盱爲
韻若作眇則失其韻矣

蝮蛇

當此之時禽獸蝮蛇無不匿其爪牙藏其螫毒念孫案
蝮蛇本作蟲蛇此後人妄改之也禽獸蟲蛇相對爲文
所包者甚廣改蟲蛇爲蝮蛇則舉一漏百且與禽獸二
字不類矣文子精誠篇正作禽獸蟲蛇韓子五蠹篇亦

云人民不勝禽獸蟲蛇

重萬物 服駕應龍 援絕瑞

名聲被後世光輝重萬物乘雷車服駕應龍驂青虯援

絕瑞念孫案重字義不可通爾雅釋魚疏引此作光輝

熏萬物是也熏猶熏炙也謂光輝熏炙萬物韓詩外傳曰名聲足

以薰炙之薰與熏同故高注曰使萬物有輝光也服應龍驂青虯

相對為文故高注曰在中為服在旁為驂服下不當有

駕字此後人據高注旁記駕字因誤入正文也不知高

注駕應德之龍是解服應龍三字非正文內有駕字也

一切經音義一太平御覽鱗介部二及爾雅疏引此俱

無駕字援絕瑞本作援絕應此亦涉注文而誤也案正文作絕應故注釋之曰殊絕之瑞應若正文本作絕瑞則無庸加應字以釋之矣爾雅疏引此作絕瑞則所見本已誤御覽引此正作絕應

塙裂

植社槁而塙裂念孫案說文玉篇廣韻集韻皆無塙字塙當為塙隸書之誤也隸書庫字或作雩雩字或作雩子侯表庫葭康侯澤史記作雩殷又匈奴傳郎中係庫淺史記作係雩淺說文棟木也今作雩玉篇嬖胡故切好兒或作媯皆其例也說文嬖裂也又曰塙坼也塙坼古字通賈子耳痹篇作置社槁而分裂

莎蒨 無理

田無立禾路無莎蒨金積折廉壁襲無理磬龜無腹著

策日施高解路無莎蒨日莎蒨讀猿猴蹠蹠之蹠案爾雅曰

狸狐豨獬醜其足蹠其跡丸丸與蹠同狀如葳莎草名故曰猿猴蹠蹠各本蹠誤作蹠今改正

也引之曰莎蒨本作蒨莎故高注先釋蒨後釋莎道藏

本誤作莎蒨洪興祖楚辭九歌補注引此已誤注內蒨上又衍一莎字

劉績不能是正反移莎字之注於前以就已誤之正文

斯為謬矣莊本同莎與禾羸施為韻各本羸作理乃後人所改辭見下施字古

讀若婆娑之娑說見唐韻正若作莎蒨則失其韻矣

高解壁襲無理日壁文襲重言用之煩數皆鈍無復文

理也。文子上禮篇無理作無羸，引之曰：羸當作羸。淮南

原文當亦是羸字，非理字。本經篇冠無觚羸之理，高彼

注云：羸讀指端羸文之羸。今本羸字皆誤為羸。莊本改

羸作觚。羸字古亦讀若羸。故與羸通也。本經篇又曰：羸鏤雖詭文回波。羸鏤亦謂轉刻如羸文也。故彼注

云：羸鏤文章鏤。今指端羸文。今人猶有此語，謂其文之

本羸字亦誤為羸。旋轉如羸也。壁形圓，故謂其文曰羸。久而漫滅，故曰無

羸。此注壁文上當有羸字。羸壁文是釋羸字之義。襲重

是釋襲字之義。言用之煩數，皆鈍無復文理也。是統釋

壁襲無羸四字之義。文子作無羸，而此注言無文理，故

知其字之本作羸也。後人不解羸字之義，又見注內有

燕文理之語，遂改羸爲理，而不知注內壁文二字，正釋羸字也。且羸與禾莎施爲韻，改羸爲理，則失其韻矣。

高重京

大衝車高重京，高注曰：古者伐不敬，取其鯨鯢，收其骸尸，聚土而瘞之，以爲京觀，故曰高重壘，京觀也。念孫案高重京，京當爲壘，注云：故曰高重壘，卽其證也。注京觀也，上當更有一壘字，壘京觀也。四字卽承上注言之。今本正文壘作京，涉注文京觀而誤。注內又脫一壘字。文子上禮篇作高重壘，是其明證矣。高以上文言濫殺，故謂重壘爲京觀。今案衝車所以攻，重壘所以守，此二句

別爲一義，高重壘，卽所謂浚溝高壘，非京觀之謂也。

枕格

廝徒馬圉，駟車奉饗，道路遼遠，霜雪亟集，短褐不完，人
羸車弊，泥塗至膝，相攜於道，奮首於路，身枕格而歔。高
注曰：奮首，民疲於役，頓仆於路，僅能搖頭耳，言疲困也。
格，榜牀也。言收民役賦不畢者，榜之於格上，不得下，故
曰枕格而歔。念孫案：高說枕格之義非也。格音胡格，反
與輅同，謂輓車之橫木也。晏子春秋外篇曰：擁轅執輅，
漢書婁敬傳：敬脫輓輅，應劭曰：輅，謂以木當胛以輓輦
也。見文選而孟康音胡格，反身枕格而歔，謂困極而仆

京賦注

也。

身枕輓車之木而歿也。兵略篇曰：百姓之挽輅，首路歿者，一旦不知千萬之數。高彼注曰：輅，輓輦橫木也。挽輅首路而歿，卽此所謂奮首於路。身枕格而歿也。人閒篇又曰：羸弱服格於道，病者不得養，歿者不得葬。兵略篇作輅，此及人閒篇作格，字異而義同也。奮首於路，身枕格而歿，皆承上人羸車弊而言。若以身枕格，句爲歿於，擄掠則與上文全不相屬矣。

天而不夭於人虐 合而爲一家

故自三代以後者，天下未嘗得安其情性而樂其習俗，保其脩命，天而不夭於人虐也。所以然者何也？諸侯力

征天下合而爲一家念孫案天而不天於人虐也天字與上下文義不相屬此因上文天下而誤衍也太平御覽兵部七十引此無天字天下合而爲一家合上脫不字太平御覽引此有不字文子上禮篇同

鑿竇而出水 毀瀆而止水

是猶抱薪而救火鑿竇而出水念孫案出當爲止字之誤也欲止水而鑿竇則水從竇入而愈不可止若鑿竇而出水則固其竅耳文子精誠篇鑿渠而止水抱薪而救火卽用淮南之文又說林篇若被褻而救火毀瀆而止水毀當爲鑿太平御覽火部一引此已誤俗書鑿字或作鑿因誤

而為毀

顏氏家訓書證篇說俗字云鼓外設皮鑿頭生毀

瀆與竇同意林引此

正作被蕞救火鑿瀆止水今據說林之止水以正出字之誤并據此篇之鑿竇以正說林毀字之誤

井植生梓 林蕪柘梓

夫井植生梓而不容甕溝植生條而不容舟又本經篇山蕪峻榦林蕪柘梓高注曰梓滋生也念孫案梓皆當為梓梓古槩字也說文櫟伐木餘也商書曰若顛木之有胄櫟或作槩古文作梓梓字從木羊聲說文羊小爾雅枿餘也李巡曰枿槁木之餘也釋文枿本或作枿盤庚若顛木之有由槩釋文槩本又作枿馬云顛木而肄

生曰枿魯語山不槎槩韋注曰以株生曰槩槩枿樹竝
與枿同是枿爲伐木更生之名故高注曰枿滋生也又
說文粵木生條也商書曰若顛木之有粵枿是條與枿
義相近故此篇云井植生枿溝植生條倂眞篇百事之
莖葉條枿高注云枿讀詩頌苞有三槩同是其明證矣
又倂眞篇十人養之一人拔之今本十誤作一一一誤作十見倂眞則必
無餘枿高注亦讀枿爲槩枿字篆文作枿隸變作枿形
與枿相似因誤爲枿矣

河九折注於海 崑崙之輸也

河九折注於海而流不絕者崑崙之輸也念孫案藝文

類聚水部上初學記地部中太平御覽地部二十六及
文選海賦注引此竝云河水九折注海而流不絕者有
崑崙之輪也較今本爲長

淮南內篇第六

淮南內篇第七

讀書雜誌九

高郵王念孫

精神

二月而腠三月而胎四月而肌

一月而膏二月而腠三月而胎四月而肌念孫案文子九守篇作一月而膏二月而脈三月而胎四月而胎廣雅釋親作一月而膏二月而脂三月而胎四月而胞與此或同或異又爾雅釋詁釋文及文選江賦注引此竝作三月而脉亦與今本異

脫三字

是故肺主目、腎主鼻、膽主口、肝主耳、念孫案文子作肝主目、腎主耳、脾主舌、肺主鼻、膽主口、說肝腎肺之所主與此互異而多脾主舌一句。案此言五藏之主五官不當獨缺脾與舌。下文膽爲雲、肺爲氣、脾爲風、腎爲雨、肝爲雷，卽承此文言之。則此當有脾主舌一句，但未知次於何句之下耳。白虎通義亦曰：脾繫於舌。

三百六十六日 三百六十六節

天有四時五行九解三百六十六日，人亦有四支五藏九竅三百六十六節。念孫案三百六十六日、三百六十六節，本作三百六十日。三百六十節，後人以堯典言蒼

三百有六旬有六日，故於上句加六字，因併下句而加之也。不知三百六十日，但舉大數言之。繫辭傳曰：乾坤之策，凡三百有六十，當期之日是也。若人之骨節，則諸書皆言三百六十。呂氏春秋本生篇曰：則三百六十節皆通利矣。達鬱篇曰：三百六十節九竅五藏六府，太平御覽人事部一引公孫尼子曰：人有三百六十節，當天之數也。皆其證矣。春秋緜露人副天數篇曰：天以終歲之數成人之身，故小節三百六十分。今本分作六，亦是後人所改。上文云人有三百六十節，偶天之數也。卽其證。今依上文改。副日數也。大節十二分，副月數也。淮南天文篇亦曰：天有十二月，以制三百六十日。

人亦有十二肢、以使三百六十節、此皆以十二統三百六十猶十二律之統三百六十音也。見天不得言三百六十六明矣、太平御覽引此已誤、文子九守篇正作三百六十日、三百六十節。

肝爲風 脾爲雷

故膽爲雲、肺爲氣、肝爲風、腎爲雨、脾爲雷、高注曰、肝木也、木爲風生、故爲風、念孫案肝爲風、本作脾爲風、注肝木也、本作脾木也、脾爲雷、本作肝爲雷、皆後人改之也、上注曰肝、金也、是高不以肝爲木也、時則篇春祭先脾注引一說曰、脾屬木、自用其藏也、是脾爲木也。

說詳經義述聞

命脾屬木而木爲風生故曰脾爲風脾爲風則肝爲雷
矣上四句皆有注而肝爲雷下獨無注者後人改肝爲脾則與注不合故刪之耳五行大義論
人配五行篇及太平御覽人事部一引此竝作脾爲風
肝爲雷文子九守篇同

氣志

夫孔竅者精神之戶牖也而氣志者五藏之使候也念
孫案氣可言五藏之使候志不可言五藏之使候氣志
當爲血氣此涉下文氣志而誤也上文曰血氣能專於
五藏而不外越則腎腹充而嗜欲省矣下文曰五藏搖
動而不定則血氣滔蕩而不休矣故曰血氣者五藏之

使候文子九守篇正作血氣

使口爽傷

是故五色亂目使目不明五聲譁耳使耳不聰五味亂口使口爽傷趣舍滑心使行飛揚高注曰爽病病傷滋味也念孫案使口爽傷本作使口厲爽注本作厲爽病傷滋味也大雅思齊箋曰厲病也逸周書謚法篇曰爽傷也廣雅同故云厲爽病傷滋味也後人以韻書爽在上聲與明聰揚三字音不相協故改厲爽為爽傷不知爽字古讀若霜正與明聰揚為韻衛風氓篇女也不爽與霜共德不爽與囊光忘為韻楚辭招魂厲而不爽與方梁行芳蕙漿鶴鯉觴涼妨為韻案爽字古皆讀若霜毛

詩楚辭而外，不煩觀樓。故老子五味令人口爽，亦與旨饜狂妨為

韻而莊子天地篇五色亂目，使目不明，五聲亂耳，使耳

不聰，五味濁口，使口厲爽，趣舍滑心，使性飛揚，即淮南

所本也。且爽即是傷，若云使口爽傷，則是使口傷傷矣。

文子九守篇作使口生創，亦是後人所改。乃既改正文之厲爽為爽傷，又改

注文之厲爽為爽病，甚矣其謬也。諸書無訓爽為病者，又高注不明視而昏

也。不聰聽無聞也，厲爽病傷滋味也，飛揚不從軌度也。皆先列正文而後釋其義，今改厲爽為爽病，則與上下

注文不類矣。

孰知

或者生乃徭役也，而歾乃休息也。天下茫茫，孰知念孫

案孰知下有脫文劉本作孰知之哉此以意補不可從

諸本及莊本同

心之暴

夫悲樂者德之邪也而喜怒者道之過也好憎者心之暴也念孫案暴當依文子九守篇作累字之誤也上文曰好憎者使入之心勞故曰好憎者心之累也作暴則非其指矣原道篇曰喜怒哀者道之邪也憂悲者德之失也好憎者心之過也嗜欲者性之累也語意略與此同

靜則與陰俱閉動則與陽俱開

其生也天行其死也物化靜則與陰俱閉動則與陽俱

開念孫案與陰俱閉與陽俱開本作與陰合德與陽同
波後人以原道篇云與陰俱閉與陽俱開故據彼以改
此也不知波與化爲韻自其生也天行至不敢越也皆隔句用韻若如後人
所改則失其韻矣文子九守篇靜卽與陰合德動卽與
陽同波卽用淮南之文莊子天道篇其生也天行其外
也物化靜而與陰同德動而與陽同波刻意篇同又淮南所
本也

正肝膽

正肝膽遺耳目念孫案正當爲亾字之誤也亾與忘同
邨風綠衣箋亾之言忘也荀子勸學篇怠慢忘身大戴
禮作亾呂氏春秋權勳篇是忘荆國之社稷而不恤吾

厭也韓子十過篇作凶又韓子難二晉文公慕於齊女而凶歸齊策老婦已凶矣趙策秦之欲伐韓梁東闕於周室甚惟寐凶忘肝膽遺耳目遺亦忘也若云正肝膽之竝與忘同

則義與下句不類矣莊子大宗師篇忘其肝膽遺其耳目即淮南所本倣真篇又云忘肝膽遺耳目

如景之放

如光之耀如景之放劉績依文子九守篇改放為效念孫案劉改是也如景之效謂如景之效形也效與耀為韻若作放則失其韻矣

石礫 顛醜

是故視珍寶珠玉猶石礫也視至尊窮寵猶行客也視

毛嬙西施猶顛醜也。今本注曰：顛頭也。方相氏黃金四

目衣赭，稀世之顛貌，非生人也。但其像耳目顛醜，言極

醜也。此注既經後人妄改，又多譌脫，辭見下。引之曰：石磔，本作磔石。說文

磔，小石也。逸周書文傳篇云：磔石不可穀。楚辭惜誓：相

與貴夫磔石。王注云：相與貴重小石也。韓詩外傳云：太

山不讓磔石。江海不辭小流，皆其證也。石與客魄為韻。

若作石，則失其韻矣。古韻石在鐸部，磔在葉部，兩部絕不相通，此非精於三代秦漢

之音者，不顛醜，本作俱魄。此魄誤為醜。醜與魄，草書相似。後人

又改俱為顛耳。後人以荀子非相篇：面如蒙俱。楊倞曰

俱，方相也。周官方相氏注云：如今魁頭。魁與顛俱同。遂誤以

俱爲俱頭之俱。又以說文俱頭字作顛，故改俱爲顛。不知俱醜本作俱魄，乃請雨之士人，非逐疫之顛頭也。俱魄一作欺魄，又作欺顛。劉子仲尼篇若欺魄，而不可與接。張湛曰：欺魄，土人也。釋文曰：魄，片各反。字書作欺顛。文選應璩與岑文瑜書注曰：淮南子曰：視面施毛嬙，猶俱魄也。高誘曰：俱魄，請雨土人也。皆其明證矣。視毛嬙而施如俱魄者，謂視如土偶，非謂視如顛頭也。且魄與石客爲韻。若作顛醜，則失其韻矣。集韻俱字注云：淮南祈雨土偶人曰俱。但言俱而不言俱魄，似所見本魄字已誤作醜。然俱字尚未改作顛，且高氏請雨土人之

注亦未嘗改也。今則正文既改而高注亦非其舊矣。

生時于心

使神滔蕩而不失其充，日夜無傷而與物為春，則是合而生時于心也。高注曰：若是者合於道，生四時化其心也。言不干時害物也。劉績曰：案文子作則是合而生時於心者也。九守篇莊子作是接而生時於心者也。德充符篇則干乃于字之誤。念孫案高注生四時化其心也，當作生四時之化于其心也。此是釋生時于心之義。生時于心而與物為春，則是順時以養物。故注又云：言不干時害物也。今本正文于字作干，即涉注文干時而誤。

無損於心

且人有戒形而無損於心有綴宅而無耗精念孫案無損於心於衍字也戒形與損心綴宅與耗精皆相對為文則損下不當有於字莊子大宗師篇且彼有駭形而無損心有旦宅而無情歟即淮南所本

樸桷

今高臺層榭人之所麗也而堯樸桷不斲素題不斲高注曰樸采也念孫案如高注則樸為樣之誤也隸書樸或作樣樣或作樣二形相近故樣誤為樸樣即今橡栗字也說文曰樣榭實又曰榭采也其實草今借用阜一字俗作阜一

曰椽。又曰草斗。椽實。一曰椽斗。高注呂氏春秋恃君篇曰椽。早斗也。其狀似栗。應劭注漢書司馬相如傳曰椽。采木也。韓子五蠹篇曰堯之王天下也。茅茨不翦。采椽不斲。史記太史公自序索隱引韋昭漢書注曰采椽。椽。椽也。合觀諸說。椽一名桷。一名柔。一名采。其實謂之早亦謂之椽。是椽爲采。實而非采也。然司馬彪注莊子齊物論篇云茅椽子也。茅與柔同則采亦謂之椽矣。故韓子言采椽不斲。此言椽桷不斲。而高注亦訓椽爲采也。又案說文椽字。今書傳皆作椽。蓋後人所改也。此椽字若不誤爲樸。則後人亦必改爲椽矣。

奇異

珍怪奇異人之所美也而堯糲粢之飯藜藿之羹莊氏
 伯鴻曰奇異本皆作奇味唯藏本作異念孫案作味者
 是也上文高臺層榭指宮室言之與樣桷素題相對下
 文文繡狐白指衣服言之與布衣鹿裘相對此文珍怪
 奇味指飲食言之與糲粢藜藿相對若云珍怪奇異則
 不專指飲食失其指矣藝文類聚帝王部一太平御覽
 皇王部五百穀部六文選劉琨答盧諶詩注引此竝作
 奇味

天下之細

故觀堯之道乃知天下之輕也觀禹之志乃知天下之細也念孫案天下之細天下當爲萬物此涉上天下之輕而誤也上文云輕天下則神無累矣細萬物則心不惑矣又云堯舉天下而傳之於舜若解重負然此輕天下之具也禹視龍猶螟蛉龍乃弭耳掉尾而逃禹之視物亦細矣此文知天下之輕承上堯輕天下而言知萬物之細則承上禹細萬物而言今本萬物作天下則與上文不合

獨住

輕舉獨住忽然入冥念孫案住當爲往謂輕舉而獨行

也若作住則與忽然入冥句義不相屬矣隸書從彳從

亻從圭從主之字多相亂故往誤為住莊子養生主篇郭注不在理上

往釋文往一本作住

乃性 乃使始

今夫窮鄙之社也叩盆拊瓠相和而歌自以為樂矣嘗

試為之擊建鼓撞巨鐘乃性仍仍然知其盆瓠之足羞

也念孫案性字義不可通性當為始古人多以乃始二

字連文飯真篇曰乃始昧昧楸楸皆欲離其童蒙之心而覺視於天地之間又曰儒墨乃始剝道而議

分徒而訟管子版法篇曰外之有徒禍乃始牙莊子馬蹄篇曰民乃始踉跄好知爭歸於利在宥篇曰之八者

乃始嚮卷倫彙而亂天下也而天下乃始尊之憎之荀子儒效篇曰狂惑黷陋之人乃始率其羣徒辯其談說

明其辟稱韓子外儲說右篇曰王自聽之亂乃始乃始生呂氏春秋禁塞篇曰雖欲幸而勝禍乃始長乃始猶然後也藝文類聚禮部中太平御覽人事部一百二十七禮儀部十一樂部二十二器物部三引此竝作乃始又本經篇愚夫蠢婦皆有流連之心悽愴之志乃使始爲之撞大鍾擊鳴鼓吹竽笙彈琴瑟失樂之本矣案乃始二字之間不當有使字此因始使聲相亂而誤衍也主術篇曰故民至於焦唇沸肝有今無儲而乃始撞大鍾擊鳴鼓吹竽笙彈琴瑟失樂之所由生矣是其證夫以天下爲者

藏詩書脩文學而不知至論之旨則拊盆叩缶之徒也

夫以天下爲者學之建鼓矣念孫案夫以天下爲者以
上當有無字無以天下爲者承上文許由而言莊子逍遙遊篇
許由曰予無所用天下爲讓王篇學之建鼓對拊盆叩
日唯無以天下爲者可以託天下
而而言言無以天下爲者其於世俗之學者猶建鼓之
於盆瓠也今本以天下上脫無字則義不可通文子九
守篇正作無以天下爲者

尊于天下

由此觀之生尊于天下也念孫案尊本作貴此涉上文
尊執厚利而誤也此言生貴而天下賤非言生尊而天
下卑高注故曰生貴於天下卽其證呂氏春秋知分篇

注引此亦作貴泰族篇亦云身貴於天下

若昧

故覺而若昧

道藏本如是尚存昧字左畔別本作昧尤非

生而若死

舊本生上衍以

字今刪

終則反本未生之時而與化為一體高注曰昧暗

也厭也

厭於并反俗作厭

楚人謂厭為昧引之曰昧與厭義不

相近昧皆當為昧

音米

字之誤也注中暗也二字乃後人

所加說文癡寐而厭也字通作昧西山經鵠鵠服之使

人不昧郭璞曰不厭夢也引周書王會篇云服者不昧

莊子天運篇彼不得夢必且數昧焉司馬彪曰昧厭也

是昧與厭同義故高注亦云昧厭也楚人謂厭為昧後

人不知昧爲昧之譌而誤讀爲暗昧之昧遂於注內加
暗也二字何其謬也且昧與外體爲韻若作昧則失其
韻矣

內總其德

外束其形內總其德鉗陰陽之和而迫性命之情念孫

案總字義不可通總當爲愁愁與摯同

鄉飲酒義秋之爲言愁也鄭注

愁讀爲摯

說文摯束也外束其形內摯其德其義一也

倣真篇內愁五藏外勞耳目義亦與此同俗書總字或
作摯又作愁與愁相似愁誤爲愁後人因改爲總耳文
子上禮篇正作外束其形內愁其德

無益情者四句

無益情者不以累德而便於性者不以滑和念孫案便於性二句義不可通且與上文不對劉績依文子九守篇改爲無益於情者不以累德不便於性者不以滑和當是也

貪富貴 直宐

推此志非能貪富貴之位不便侈靡之樂直宐迫性閉欲以義自防也高注曰宐猶但也念孫案貪上當有不字直下不當有宐字宐卽直之誤而衍者也高注宐字亦當爲直直之言特也

祭義曰參直養者也安能爲孝乎孟子梁惠王篇曰直不百步

耳是亦走也。莊子德充符篇曰：某也直後而未往耳。齊
策曰：衍非有怨於儀，直所以爲國者不同耳。義竝與特
同。呂氏春秋忠廉篇：特，王子慶忌爲之賜而不殺耳。高
注曰：特猶直也。鄒風柏舟篇：實維我特。韓子特作直。史
記：叔孫通傳：吾直戲耳。漢書直作特。言子夏非能不貪富貴，不樂侈靡，特
以義自強耳。特但一聲之轉，故云直猶但也。

淮南內篇第七